

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 23.10.2019թ. թիվ 1910253856 որոշումն անփոփոխ, իսկ վարչական բողոքն առանց բավարարման թողնելու մասին

<< 13 >> 11 2019թ. 17 - 13 - 9234

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Գագիկ Գրիգորյանի 117718-19 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Լենինգրադյան փողոցի 38-րդ շենքի 46-րդ բնակարանի բնակիչ Գագիկ Գրիգորյանը դիմումով իր անհամաձայնությունն է հայտնել Ճանապարհային ոստիկանության վարչական տույժ նշանակելու մասին 23.10.2019թ. թիվ 1910253856 որոշմանը՝ նշելով, որ հիմնավորված չէ հանդիպակաց երթևեկության գոտի դուրս գալու չափը սանտիմետրով:

Դիմումի քննարկման արդյունքում պարզվել է, որ Ճանապարհային ոստիկանության վարչական տույժ նշանակելու մասին 23.10.2019թ. թիվ 1910253856 որոշումը ենթակա է կատարման հետևյալ պատճառաբանությամբ.

<< կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>> 28.06.2007թ. թիվ 955-Ն որոշման 52-րդ կետի համաձայն՝ երկկողմ երթևեկությամբ ճանապարհներին **գծանշման բացակայության դեպքում հանդիպակաց երթևեկության կողմ է համարվում երթևեկելի մասի լայնության ձախ կեսը**՝ չհաշված երթևեկելի մասի լայնացումները (թափառքի եւ արգելակման գոտիներ, ընդհանուր օգտագործման տրանսպորտային միջոցների կանգառի համար լայնացված տեղեր եւ այլն):

Ըստ վերը նշված որոշման 3-րդ կետի 11-րդ ենթակետի տառացի մեկնաբանության, վազանցը՝ **շարժման մեջ գտնվող** մեկ կամ մի քանի տրանսպորտային միջոցից առաջ անցնելն է՝ կապված զբաղեցրած գոտուց դուրս գալու հետ:

Իրավախախտումն ամրագրած տեսանյութն ապացուցում է դիմումատուի կողմից 03.10.2019թ. ժամը՝ 09:10-ին Երևան քաղաքի Հալաբյան – Արզումանյան – Հրազդանի կիրճ խաչմերուկի հատվածում հանդիպակաց երթևեկության գոտով երթևեկելու փաստը, որը կապված չի եղել վազանցը թույլատրված տեղում վազանց կատարելու հետ:

Այսպիսով, դիմումատուի արարքում ակնհայտ է Վարչական իրավախախտումների վերաբերյալ << օրենսգրքի 124-րդ հոդվածի 18-րդ մասի զանցակազմը, հետևաբար նրան վարչական պատասխանատվության ենթարկելու մասին որոշումն իրավաչափ է:

Ելնելով վերոգրյալից և ղեկավարվելով Վարչական իրավախախտումների վերաբերյալ << օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 23.10.2019թ. թիվ 1910253856 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Գագիկ Գրիգորյանին:



Ե.Կարապետյան

Կատարող՝ Կ.Առաքելյան
Հեռ.՝ 011-544-783